



Broj: 01/6-67-RS/02
Sarajevo, 08.03.2016. godine

Ministarstvo pravde Bosne i Hercegovine, rješavajući Zahtjev „Asocijacije kompozitora-muzičkih stvaralaca“, sa sjedištem u Sarajevu, ulica Obala Kulina bana broj 22/II, zastupane po punomoćniku Alečković Kemalu, advokatu iz Sarajeva, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08 i 76/11) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», br. 44/10 i 14/12), donosi

RJEŠENJE

1. U Registru udruženja Ministarstva pravde Bosne i Hercegovine, kod „Asocijacije kompozitora-muzičkih stvaralaca“, sa sjedištem u Sarajevu, ulica Obala Kulina bana broj 22/II, upisane pod registarskim brojem: RU-28/02, Knjiga I Registra, dana 12.09.2002. godine, upisuju se promjene, kako slijedi:

1.1. Usvajanje Statuta Asocijacije Broj: 01/16 od 15.02.2016. godine.

1.2. Upisuje se puni naziv Asocijacije na engleskom jeziku, koji glasi:

„Association of Composers-Music Authors“

1.3. Upisuju se podružnice Asocijacije, i to:

**Banja Luka, ulica Kralja Petra I Karadžorđevića broj 85, i
Mostar, ulica Kneza Branimira broj 6.**

1.4. Izmjene i dopune ciljeva i djelatnosti Asocijacije, tako da isti glase: okupljanje kompozitora i muzičkih pisaca; saradnja sa drugim umjetničkim i sličnim udruženjima, organizacijama i društвима s područja kulture u zemlji i inostranstvu; rad na razvoju BH muzičkog stvaralaštva i očuvanje njegove kulturne baštine; poticanje i razvijanje potrebe za muzikom; organizovanje seminara, stručnih skupova i savjetovanja o pitanjima muzičkog stvaralaštva i primjene propisa ostvarivanja autorskih i srodnih prava; izdavanje publikacija u svrhu ostvarivanja djelatnosti Udruženja, u skladu sa Zakonom; poticanje i razvijanje stručnih i kolegijalnih odnosa među članovima Udruženja i kulturnim djelatnicima uopšte; rad na unapređivanju društvenog i materijalnog položaja autora-stvaralaca, članova Udruženja; zalaganje za kreiranje i provođenje kulturne politike na svim nivoima vlasti; sklapanje ugovora o prenosu neisključivih prava korisnicima za korištenje autorskih djela iz repertoara Udruženja pod jednakim uslovima za iste vrste korisnika, za iste vrste djela i za iste načine korištenja; sklapanje kolektivnih ugovora s reprezentativnim udruženjima korisnika o uslovima za korištenje autorskih djela; objavlјivanje usaglašene tarife o visini naknada za korištenje autorskih djela i upoznavanje korisnika s visinama tih naknada; naplatu naknade za korištenje autorskih djela; raspodjelu naplaćenih, odnosno primljenih naknada

autorima prema unaprijed određenim pravilima o raspodjeli; kontrolu nad korištenjem autorskih djela koja čine repertoar Udruženja; pokretanje i vođenje postupka zaštite kod sudova i drugih državnih organa u slučaju povreda prava koja ostvaruje Udruženje; sklapanje ugovora sa stranim kolektivnim organizacijama i njihovim udruženjima; druge aktivnosti koje su povezane sa kolektivnim ostvarivanjem prava i koje mogu razumno predstavljati troškove poslovanja Udruženja (obrazovne i promotivne aktivnosti za podizanje svijesti o potrebi poštovanja autorskog prava, njegove zaštite i slično). U promotivne aktivnosti Udruženja treba uključiti sve radio stanice i televizije koje su registrirane u Regulatornoj agenciji za komunikacije Bosne i Hercegovine (RAK), zbog ravnopravnosti korisnika; zaštita i kolektivno ostvarivanje autorskih prava članova Udruženja u skladu sa Zakonom o kolektivnom ostvarivanju autorskog i srodnih prava; stvaranje baze podataka sa pripadajućim elementima (spisak/evidencija autora, spisak/evidencija autorskih djela).

2. Prestaju ovlaštenja za zastupanje Asocijacije u pravnom prometu Podany Vladimиру, predsjedniku Upravnog odbora Asocijacije.
 - 2.1. Lice ovlašteno za zastupanje Asocijacije u pravnom prometu je Davor Sučić, predsjednik Upravnog odbora Asocijacije.
 - 2.2. Producjava se mandat za zastupanje Asocijacije u pravnom prometu: Dervišhalidović Edinu-predsjedniku Skupštine Asocijacije.
3. Razrješenje i imenovanje članova Upravnog odbora Asocijacije.
4. Imenovanje članova Nadzornog odbora Asocijacije.
5. Razrješenje i imenovanje potpredsjednika Skupštine Asocijacije.
6. Ostali upisi u Registru udruženja, izvršeni na osnovu Rješenja, broj: RU-28/02 od 12.09.2002. godine, ostaju neizmjenjeni.
7. Ovo Rješenje će se objaviti u „Službenom glasniku BiH“, o trošku podnosioca Zahtjeva.

O b r a z l o ž e n j e

„Asocijacija kompozitora-muzičkih stvaralaca“, sa sjedištem u Sarajevu, ulica Obala Kulina bana broj 22/II, upisana je u Registar udruženja kod Ministarstva pravde Bosne i Hercegovine, pod registarskim brojem: RU-28/02, Knjiga I Registra, dana 12.09.2002. godine.

Asocijacija je dana 17.12.2015. godine podnijela Zahtjev za upis promjena u Registru udruženja ovog Ministarstva.

U toku postupka, Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti promjene upisa u Registru. Ministarstvo je podneskom Broj: 01/6-67-RS/02 od 11.01.2016. godine, zatražilo ispravku i dopunu zahtjeva.

Nakon otklanjanja nedostataka Asocijacija je uz Zahtjev za upis promjena u Registru udruženja dostavila sljedeću dokumentaciju: Punomoć za Alečković Kemala, adovkata iz Sarajeva od 03.12.2015. godine; Zapisnik sa sjednice Skupštine „Asocijacije kompozitora-muzičkih stvaralaca“ od 15.02.2016. godine sa spiskom prisutnih redovnih članova udruženja; Odluku o usvajanju novog Statuta Udruženja Broj: 03/16 od 15.02.2016. godine; Statut Odluku o usvajanju novog Statuta Udruženja Broj: 01/16 od 15.02.2016. godine u dva „Asocijacije kompozitora-muzičkih stvaralaca“ Broj: 02/16 od 15.02.2016. godine; ovjerene fotokopije ličnih karata članova Upravnog odbora Asocijacije i lica ovlaštenih za zastupanje Asocijacije; ovjeren potpis lica


ovlaštenih za zastupanje Asocijacije; listu redovnih članova udruženja; prijevod naziva udruženja na engleski jezik ovjeren od strane stalnog sudskog tumača za engleski jezik od 09.12.2015. godine i dokaz o uplati administrativne takse.

Uvidom u priloženu dokumentaciju utvrđeno je da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja kod „Asocijacije kompozitora-muzičkih stvaralaca“, te je riješeno kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis promjena u Registru udruženja, u skladu sa članom 33. stav (2) tačka b) navedenog Pravilnika.

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



Dostavljeno:

- „Asocijacija kompozitora-muzičkih stvaralaca“;
putem punomočnika Alečković Kemala, advokata iz Sarajeva,
Ulica Branilaca Sarajeva broj 21, 71 000 Sarajevo;
i ovjeren primjerak Statuta Broj: 01/16 od 15.02.2016. godine;
- Zbirka isprava;
- JP NIO "Službeni list BiH".